

卷十四

藝文志中墓表 碑文墓誌附 墓誌銘 墓銘 銘贊附

卷十五

藝文志下詩 詞附著作

卷末

雜記

南皮志稿



南皮縣志卷之十四

藝文志中

墓表碑文墓誌附

墓誌銘

墓銘附銘贊

墓表

碑文墓誌附

明

湯濱墓表

太子太保張佳胤
兵部尚書銅梁

公諱濱字繼寅交川其號也上世為楚黃岡人有遠祖
徙順義永樂間祖慶暨曾祖福春始卜南皮而家焉福
春生澄澄生殷太學生初封戶部主事再封中憲大夫
湖廣按察司副使娶於劉封太恭人是為公父母太恭人
孕公時中憲公夢一少年冕笏入戶公遂生中憲公通
星家學知公大貴公自幼穎敏殊凡兒書口授輒成誦
五歲時忽向中憲公前朗誦大學康誥章意若有風人益

奇之已而中憲公授吳江丞公時方八歲隨侍行道里
二千而遙中所經行山川郡邑一一能舉其詳後治舉
子業有名為博士弟子每試必高等嘉靖庚子舉順天
鄉試庚戌成進士劉太恭人病篤公侍湯藥目不交睫
衣不解帶者逾月焚香願以身代太恭人竟霍然
己人以為孝感云初授安福知縣安福文獻邑也士人
張餘姚之學各立門戶視有司如弟子然公潔己愛民
劑量里甲其他平反疑獄保漳流寇不講學而政事原
本經術於是安成之士相於交重而不敢易視越三年
癸丑轉戶部主事初權崇文門稅再巡通州草場三轉
邊鎮糧餉四督淮安倉政所至以勤廉著聲尋轉員外
郎中知萊州府事方一歲持太恭人服服闋補常州府

常州為東吳劇郡巨室大猾陰持官府差繁賦重樊竇
萬端公明以察之寬以劑之竟用治行高第擢湖廣按
察司副使兵備蘇松時當島夷兵燹之際外捍海洋內
安黎庶其時開府大吏不問人情徑裁兵餉沿海無賴
偶語市中相謀鼓譟地方洶洶大吏聞之倉皇無措公
立召幕下開誠告戒許以括帑金為餉諸黨叩頭散去
是年挑七浦塘百里白茆河百二十里度地程工胼胝
為勞而公心獨苦先是中憲公丞吳江時曾濬白茆工
未竟而公卒成之人羨父子有德於吳如此公資勞最
久加參政兵備如故庚午轉河南按察使便道省中憲
公上九十壽鄉里以為榮辛未轉湖廣右布政使無何
再晉左叅自會鄖陽撫治都御史缺廷推公以副都御

史往公領節抵鎮稽查山寇招撫流移軍政修明地方
甯謐四陲頌聲萬口如一未幾中憲公卒於家既襄大
事橐裝如洗日惟課農教子大夫有司干旄並皆謝絕
暇或羣一二耆老鰕菜濁膠共話桑麻有司歲鄉飲一
與不復再儀貌修俸內無城府與物甚和而介然之守
萬夫難奪公其吾榜之賢乎余不能揭公於明而徒闡
公於幽公有知乎無知乎遂表其墓

國朝

張敷墓表 有贊

戶部尚書 陳德華

南皮張氏其先自處士孝友忠厚詒謀至兩淮鹽運副
使璿陝西按察司副使謚宦業清白用大厥緒歷傳及
太學昕庠生贈中憲大夫份並以孝友純慤著聲鄉邑

於時稱懿行者往往推張氏中郎諱敷贈公次子也生
有至性敦古道率真任樸不雕不琢恂恂家庭鄉黨間
識者以為有祖父風幼嗜學留心儒先傳註體認宗旨
作文一以平實為宗不規規時好以此少所投合年二
十有八始補博士弟子旋以親老且貧勉奉子職遂棄
舉子業不復理侍二人無違顏劇色陶陶融融率本天
真公故貧甘旨缺輒典衣物以給甯與妻子甘淡薄饜
糟糠而堂上之奉未嘗不時具也兄弟六人友愛無間
遇有急往往出已物濟之不少惜有遠商任某者落拓
無依公撫之與謀生計任故捐貲送其妻子歸舊奴某
貧無以養貸之衣物令取值為貿易業奴耗盡弗問也
性誠信中坦坦無城府與人接無一語欺人人欺之亦
不疑曰吾信吾心而已配葉氏子三延慶多慶惟醇女
一孫男四孫女九贊曰玉胡為而藏於璞珠胡為而潛
於淵不雕不斲乃天斯全嗚呼先生其有道者耶殆庶
幾三代之賢

許醴碑文

張乃史書丹進士兆鼇篆
額乾隆八年季春立

張受長

先生諱

醴

字

南金

號

比菴

宗派

源於

蘇州

烏雀橋

渡江來世為南皮望族父行先公邑增生有涪德為鄉
里所推重生二子長興周公出嗣叔父先生其次也三
歲失父八歲失母哭泣至性發於弱齡風木悲痛矢諸
終身從叔父凌雲公憐其幼孤招之家為延師課讀先
生即銳志向學攻苦自立十九受知安溪李文正公逾
年食餼於庠由是潛心篤志學行日進精詣之識深沈

之度常於靜默中深造自得發為文章清真雋永在文
止百川之間前後學使者無不推為首選甲午鄉試實
水部力薦之主司以仰之彌高文小講內及字疑似沮
廢先生聞之恬如也癸卯登賢書遠近稱慶先生乃潛
然淚下曰功名富貴原以榮養吾親而大人早逝縱擢
魏科拖金紆紫何為哉三試春闈不第遂不復上公車
家居事兄備極篤愛盡恭順之禮有溫公高風撫其遺
子女二教誨懇懇擇配資嫁無異所生不治生產惟以
教授生徒興起斯文為己任先生德性寬厚充養和粹
平易近人終日怡悅學者侍側如坐春風及其發明理
致通透簡要令人尋味不盡高下皆有所得又如羣飲
於河各充其量是以及門之士多所造就待人接物一
於渾厚而涇渭自分平居恂恂於事若無甚可否及酬
酢事變斷以義理則截然不可犯形體短小動靜語默
間恭端謹望之知為有道君子嗜飲命酌輒醉醉後益
見其溫恭有時喝怒人人亦不怨農人販夫村婦子女
無不知敬先生而慕其德也

劉發墓誌

李中簡

先生姓劉氏諱發字順休自號六其居士先世系出山
左即墨前明永樂初遷南皮治東之黑龍村遂世為南
皮縣人七世祖諱存禮廩膳生生壽官音音生庠生鯤
化鯤化生鏗配萬氏祠節孝遺孤深順治乙未科進士歷任
湖廣道監察御史濶廩膳生生子三長樟庠生次植次
榛歲貢生有子六人熒庠生熒庠生熒太學生次即先

生皆黃太宜人出次奠貢生次吳太學生母趙孺人先生生而穎敏性孝友專力實學實行幹濟超等儕超等儕總角時侍父側遇惡少非理相加婉諭遣之免黷滋甚先生怒俯拾瓦礫繫中其額仆地事遂解惡少由此自懲不敢復來十歲就外傅日讀萬餘言弱冠入學第一名旋食廩餼嘗取大學聖經六其之義一一反已自省歸於實踐又取宋漱水紫陽所訂禮儀可以施行於今者節衷古意而是正之一時稱為通儒田宅頗饒三昆兩度弟居必同財推肥取瘠不以各母而起異同之嫌初學於王先生東野宦學於滄州劉思退先生兩先生歿竭貲給助其家終身不少間待諸女弟恩誼周悉貧者為營恒業拾其子孫舍於家飲食教誨咸使成立

祭親友窘乏賙給之求者答之率踰所望以故三黨與交遊皆無失所之嘆律身以古恥就時趨惟求自信不肯徇人素號能文一秉正則不屑為風氣所搖奪應諸生試輒冠曹屢躋杖闈終不自悔居恆訓諸子曰學有三塗厥歸一致曰名儒曰名臣曰循吏名儒學以為己教以為人苟獲充其志行克當輔弼之選者名臣也克稱宣猷之職者循吏也厥後冢嗣方咨吉歷官江左關中猷為懋著以廉潔稱此其效也當方咨令霍印時值水災後有疏濬河道之命趣興工役眾甚難之先生仿依古法準以地勢立定章程旬月而竣至今賴為保障幼子志成進士歸銓即恩出仕為顯揚計先生勉其當更勤學圖報國恩慎勿躁進未及選期先先生歿

咸痛惜之配黃氏 封太宜人子四長吉甲子舉人戊辰進士歷任江南霍邱縣知縣

張發長墓誌

姪端城撰安徽學政白鎔書丹尚書房行走山西學政陳官俊篆蓋

公諱發長字培厚號良山先世由直隸鄆縣遷南皮已十六世公居第十二世祖諱份庠生贈資政大夫父諱芸庠生封文林郎贈通議大夫通議公堯生^先大夫三人公為其季於端城叔父也為人明敏果於有為孝友睦婣本之家學幼師先大夫學甚力領乾隆三十年順天鄉薦屢試春闈不第三十六年禮部試闈中擬魁數日文已付梓以二場詩句微疵被落人皆惜之四十六年大挑一等分發江西補瑞昌縣知縣有惠政歷署甯州安福德化鄱陽諸劇任所至有聲明於聽斷往往片語

服人案無留牘江西多水田爭訟牽控多人延十餘年不結所在成俗公至皆親為履勘溝涂封植指示周詳案皆立結德安令某性長厚值歲小歉邑無賴相率登富人之門強借糧初不過數人漸至數十人或百餘大為地方之害令不能禁公奉太守委往理其事因請曰倡首不過數人懲其一二當自定太守是之入境見村民借糧者勢洶洶有孀婦頗裕無賴子欺其孤弱糾眾強索因立拘其首事七人繩以法皆荷校通衢屬內聞風解散一邑遂安後因公墨吏議歸里以嘉慶二十二年二月初五日卒於家年八十有五公學問淹博尤邃於三禮著述甚富至老猶手不釋卷親事杖讐因文體日趨卑弱獨力追先正遠近就學者日眾因材施教多

所成就有貧士可造者每資以膏火使竟學以故春秋
兩闈門下士多獲售者及門之盛殆與先大夫相埒云
配劉孺人同邑庠生諱燮女子一靄城廩膳生孫二長
志雲庠生早亡次志靜庠生曾孫一文川幼古於誌宗
人墓有銘有不銘今誌而不銘從近代韻語不以飾家
庭之例也

墓誌銘

北魏

刁遵墓誌銘

有序。款曰：持節都督平東將軍洛兖州刺史刁遵。子慈。撰。

誌載定於饒安之西南孝義里按渤海饒安即今之

舊縣鎮其時渤海治在南皮舊縣西皆南皮境刁氏

塋墓孝義里坐南皮境內刁氏故里名刁公樓莊亦

南皮境誌石得之南皮耕者初署南皮夜珠高莊唐高

適故里土人砌石土神祠座下樂陵劉孝廉克綸見之

勸高氏易出亦殊不知愛惜後贈葉廉訪芸士家石

缺一角葉氏以素石補足之廉訪滄州人居南皮地光緒三年

冬南皮張紀雲主政又從葉氏得之己卯歸於張相

國今尚完好

魏故持節都督洛兖州

下缺八字高祖協元亮晉侍中尚書

左僕

下缺二字

夫人彭城曹氏父羲晉梁國

下缺九字曾祖

樊太倫晉侍中徐州牧司空

缺一字陽

下缺七字祖暢仲遠

晉中書令金紫左光祿大夫

缺一字平

下缺七字父雍淑和

皇魏使持節侍中都督揚豫兖徐四州

下缺四字徐豫冀

三州刺史東安簡公夫人琅玕王氏父

下缺一字父諱遵

字奉國渤海饒安人也姓氏之興錄於帝圖中葉

下缺一字

字廣淵謨明有晉祖父以忠肅恭懿聯輝建

缺一字見者

世往傳聞

下缺十字

之外不復銘於幽泉也公秉維岳之靈

挺基仁之德忠

缺一字一本於立

下缺一字以小節而求名無虛

譽以眩世少能和俗於人無際但昂然愕然者

下缺一字

中中書監司空文公高允皇代之儒宗見而異之便以

女缺一馬太冲中五下缺尋拜魏郡太守寬明臨下而德

洽於氏正始中徵為太尉高缺二詔議參軍四字缺有古

人之風器而禮焉俄而轉大司農少卿均節九賦以豐

邛用蒞事未暮遷便持缺一都督洛州諸軍事龍驤將

軍洛州刺史公之立政惠流兩壇平陽慕化辟地二百

方一江沔成功告老上天不弔忽焉降疾熙平元年秋

七月二十六日春秋七十有六薨於位朝廷痛悼百僚

追惜贈使持節都督兖州諸軍事平東將軍兖州刺史侯

如故加謚曰惠禮也惟公為子也孝為父也慈在臣也

忠居蕃也治兄弟穆常棣之親朋友著必然之信尊賢

容衆博施無窮載仁抱義行藏罔滯温恭好善桑榆彌

篤小子慙等泣徂年之箭駿痛龜英之告祥奉靈輶而

號慚遷神柩於故鄉以二年歲次丁酉冬十月己丑朔

九日丁酉寔於饒安之西南孝義里皇考儀同簡公神

瑩之左松門水閣深扁長鍵度鐫石於下壤仰誌惠於

幽泉其辭曰攸攸韓胄帝僅之允驛代貞賢自唐暨晉

明哲迭興忠能繼雋在洛雲居徂揚岳鎮氛鯨興虐金

歷道亡於昭我祖違難來翔位班鼎列朝望斯光顯顯

懿孝奉構腰璜依仁挺信據德櫛明紐龜出守入讚台

衡惠霑千里道懋槐庭清風遙被徽音遠盈日登農載

播稼是司巍巍高廩禮教將怡邊城侯捍戎祗但治秉

祚肅命董牧宣成方叔尅疰燕輿遐齡庶秉和其必壽

泣信順而徂傾攀號兮罔訴摧裂兮崩馨銘遺德兮心

臣康刊泉石兮慟深局夫人同郡高氏父允侍中中書

監司空咸陽文公

明

張謚墓誌銘

賜進士第通政使司右通政李觀光渤海

公姓張氏諱謚字子靜號安軒世為瀛之南皮人高大父孝友生兩淮鹺司副使璿璿生玉山主簿繡繡生贈公繼宗即公父也贈公配畢太安人生丈夫子五公為中子少穎朗十五補博士弟子工屬文日記數千言贈公卒公哀毀骨立太安人諭之曰人子當力圖不朽亢宗顯親以成大孝瘠毀何為公如教刻苦勤讀自是學益博文蓋邃嘉靖丙午舉順天鄉試明年成進士授杭州府推官欽恤治獄多平反以仁恕稱庚戌陞南京戶部廣西司主事署郎中事悉勤慎職業遷山東按察司僉

事兵備武定值盜賊蜂起賊首楊思仁等尤劇公設計以次勦捕撫臣上其功邊山西左參議積贖錢萬三千餘不以毫毛入橐東省嘖嘖有青天之頌時山西虜首跳梁公鎮甯武備禦有法擒獲姦細事聞賜白金二十兩肅廟宮殿災公捐俸並贖錢數千兩進助大工兩臺交薦廉能辛酉遷陝西副使整飭軍務規畫糧餉事事中窾鹵獲虜羊馬甚衆時稱邊才者以公為首癸亥京營協里戎政缺當事者奇公才遂推公副公雖侷儻饒策畫而性耿介當道有所忤迺慨然曰田園蕪矣仕宦不止將為車生已乎遂投劾歸侍太安人敬養百方歲事奉觴上壽歡如也閑把種樹書步屨田園為課子姪若孫多所成就置義倉贍宗族助婚喪不能舉者性恬

恬靜不嗜聲色片牘不入公門隆慶改元部使者薦揚
 朋舊使之出公笑曰吾業稱遠志乃欲為小草耶且踪
 變風塵間孰與家食淡湯之為愈也會太安人疾篤日
 侍湯藥唯謹籲天請代竟不起哀毀視贈公愈篤以孝
 聞晚歲患風病邇於萬曆二十三年二月十三日春秋
 七十有九配即為安人東光處士宗儒女性婉靜嫺女
 訓既歸公每晨與侯舅姑寢門環珮璆然躬調鮭菜而
 敬進之二尊人甚甘也御子婦下及臧獲嚴而有恩治
 醢脯醢醬絲縷鹽米諸瑣細靡不精當公歷任有聲及
 施予族黨婚喪懷惠者皆安人翊贊力也子以興邑廩
 生孫朝棟邑廩生銘曰鬱葱青隴張公之阡安人配德
 合葬斯焉珠聯璧合壽藏萬年馨香分明德遠享德兮

後嗣延

李騰鵬墓誌銘

翰林院編修

王嘉言

東光

李君諱騰鵬字時遠別號槐亭其先順天牛坨人宣德
 間諱忠者至南皮姚村里五龍鄉居焉忠生義義生能
 能生通通生廷璽家世務農雅愛讀書見勤學士洒然
 加禮有丈夫子二長騰鸞次即君性穎異七歲能屬文
 十三補博士弟子古書時藝過目成誦發為文奇麗橫
 溢變化百出應鄉試輒不利遂扃戶三歷寒暑而制科
 之業就隆慶丁卯試順天乃得雋由此文益高聲益暢
 茂阮於禮部試凡七上卒不第因辟地治圃築亭其間
 名曰小隱延賓而觴咏之陶然甚適也內行篤至奉二
 尊人靡不當其意事凡共謹有常女弟適王寡貧不自

存捐產給養室其遺孤二訓誨俾有成立復嫁其遺女
配張氏其母亦歿而貧子早卒無倚迎養三十餘年不
怠復嫁其遺孫女閻黨嘖嘖義之君高爽有節概樂善
若貪疾惡若况不齷齪曲為謹好汲引後學凡子弟嚮慕
者教導復有條法己丑下第絕意榮進親知風之曰丈
夫志在四方一命足逞何乃留連東山子行乎君曰諾
遂促裝謁吏部選潞安推官及至任事若燭照決獄稱
神仁恕在念多所平反豪右不法輒以惠文彈之遂為
所中三載課最當選入諫台竟遷鳳陽別駕坦然無志
色抵任奉總河公委疏塞河殫厥心力視公事如私家
大為上人倚毗會泗洲闕守御史檄君攝其事慰撫元
元不殫勛日昃忘食戴星出入遂寢瘵久而益亟竟
卒卒之日泗人雨泣如失父母鳳陽人亦如泗君生嘉
靖十四年七月十一日卒萬曆二十二年五月二十六
日春秋六十君高才多藝能長於詩詞又善草書丹青
所著有墨鳴集蛩鳴集及選皇明詩統行世君母徐氏
其父仲君初配張處士堯女繼配陳省祭豹女再繼郭
經歷泉女子一行言武學生銘曰力能九萬而半途即
休年宜百二而甲子才周非人其天嗚乎何尤我銘其
石以慰爾幽

國朝

張永譽墓誌銘

進士戶科給諫莊憲祖東光

公諱永譽字印白父朝棟祖以興俱廩生曾祖謚明丁
未科進士官按察司副使自高以上代有顯者子三長

曉崇禎丙子副榜次明次昕庠生公少負奇數以文雄其儕偶至惟孝友嘗試薊州值母訃哀號感動路人子曉英敏好學然嗜酒罵座公痛裁之或繩以夏楚必先延兄弟於庭語以不能姑息之意昕生有異質公所屬意者也喜彈棋工詩所著松風亭吟巴西漫筆等集皆以兵燹散佚惟七言一絕為人傳誦嘗鬻知鼎味矣銘曰張氏之遷不去其鄉自鄴蒞止科第聯芳公之曾祖副官臬使乃祖父乃文名鵲起如公之才拾掇青紫伏櫪一經履蹄千里宗族稱孝因心則友樂而妻孥以燕翼子筮仕於蜀流氛煽亂方畧析衝倚公而辨郡有疑獄爰書未讞用公片言批竅導寤富人囊金介公賂尹公持不可義問藉甚三峽之水建瓶數仞投壁斬蛟仗者

獨

忠信維王孺人從公於任左男女安常履順凡令之人大寶曰位延頸跂踵金盡裘弊猶公之志不在溫飽解組歸來未老而老五里之原風柔土美安魄於斯弗崩弗毀我作銘詩勒諸貞珉櫛披公行詔後之人

張莊墓誌銘

銘缺
俟攷

河南巡撫

尹會一

公諱莊字夢叶直隸天津府南皮縣人四川保甯府經歷諱永譽者公曾祖也太學生諱昕者公祖也贈中憲大夫開封府知府諱份者公父也生子六公長方額豐頤長身玉立幼不好戲善讀書既冠補博士弟子員闈試不報遂息機摧擢以藩參貴

誥封中憲大夫

開封府知府 晉封中憲大夫河南彰衛懷河務兵備道性至孝年七十猶嬰兒慕父嘗病肺患鼻衄體羸甚

卧必枕公左右肱始寐昔昔不間凡三月公未嘗作聽
賢狀血痕斑駁漬公衣執父喪哀毀踰禮君子以為難
藩參既貴築養堂公必先迎太母至一堂之內愉色婉
容內篤性情外竭筋力舉丈夫子五悉振拔藩參尤顯
教以忠孝宅心以清慎勤奉職以庶富教治民藩參一
稟父訓故考必上上其令林邑商邱祥符三縣縣公屏
去私囷之米以哺貧窮密籌賑饑之法以均膏澤編給
轉窩之種以入塗泥民悉賴之及刺開封監河北責之
愈益嚴切不以即君官貴稍寬假嘗曰祿養子職也然
養廉究係公帑宜以公辦公何可私廉故治家節儉彌
至贏餘贍公長君官浙江鹽場月必手書昧以治鹺察
奸之義故兄弟位分尊卑然南北聲譽諸嗣亦蔚歧於

國學郡庠中其交友也以信不翁翁熱不落落落涼其與
人也以惠稷歲焚貧戶租契及質劑更以簡芻周之配
白氏封太恭人子五長卿子雍正己酉拔貢生浙江台
州杜瀆場鹽大使次子鮑庠生次方慶次逸昭俱太學
生次受長雍正丁未科進士河南分守彰懷衛三府兼
管河北河務兵備道女一孫男孫女各八人

張孫墓誌銘

總督倉場彭樹葵書丹工部右侍郎
涂逢震篆額

都察院左
副都御史
孫嘉塗

朝廷令郡縣歲舉孝行以風勵天下而末俗淳薄雖在
父母亦幾同隔膜每覽昔人嚙指心動之事輒為三嘆
南皮季畹張君諱孫生有至性其事親也油油翼翼終
身孺子慕父晚年多怒君下氣怡色務得其歡心張故

貴族世有顯者姪受長分守河北道迎祖母於署中君
千里隨之不忍一刻離膝下子侍御惟寅官銓曹君來
都視之方二十餘日忽心動曰吾當亟歸見吾母促裝
歸母果病其精誠感召如此嗚呼詩之咏孝子也若陟
岵若蓼蓼者我或因行役而不得養或思罔極之恩而
無以報讀者悲之如君之孝思不匱不可以風乎當楊
江陰視學順天時君以諸生見江陰深賞之謂有儒者
氣象後余踵事此方探庠序之論知君敦友于瞻族黨
急人患難以為有古君子風但君之純孝敦篤不求人
知故江陰雖極賞識余亦頗知敬愛而不獲以君之孝
行上達 朝廷以為天下之為人子者勸是則學使者
之羞矣君病滯下如母臨歿時又頻夢母來愴然曰吾

將下見母矣遂歿子惟寅侍君於京邸存歿盡禮一如
君之事親者事君孝子之後必有孝子理固然耳君曾
祖永馨四川保甯府經歷祖昕增廣生父份庠生贈中
憲大夫河南開封府知府丈夫子六君其季也母黃氏
贈恭人配潘氏徐氏贈安人皆先君卒繼配徐氏封安
人子四長家慶庠生次即惟寅乾隆丙辰進士貴州道
監察御史次惟志惟歌文三壻皆士族孫男三孫女並
幼銘曰行無加於孝德莫貴於誠有所為而為雖割股
廬墓而不足稱惟其結於中而發於外雖未有過於古
之中制而足以動人之感興嗚呼張君閱世其如生

張鏐墓誌銘

姪之萬書升編
修徐士穀

福建道監察御史候選道朱

琦

君諱鏐字又甫號春潭直隸南皮縣人曾大父諱乃曾
知山西孝義縣大父諱怡熊繼為縣令山陰有政聲考
諱廷琛璋浦東場鹽課大使娶王氏繼娶蘇生子三君
其中也三世贈如君官妣皆恭人君生而英毅自為諸
生即講求經世之要舉嘉慶癸酉舉人以大挑知縣試
貴州市銅雲南大吏稱其能授安化旋調貴筑擢古州
同知

成皇帝知君能吏特召對未幾權黎平府以治盜嚴兼攝遵義
安順遷知興義府有吏受賕寘於法一郡肅然未逾歲
居繼母憂服除仍授興義道光三十年賊起於粵窺黔
邊君募義勇謹斥堠上書於巡撫請用孝化龍八道進
兵之策不果行會督師林文忠公道卒賊益張有闌入

南盤江者立禽殪羅里河口之賊數千人宵遁當是時
君名聞竟外然冒霧露出入險阻四年矣吳文節公文
鎔新督雲貴未知君欲舉劾屬縣胡霖澍且讓君君為
胡辯雪上團練方略萬言文節大奇之署紙尾曰東南
事一以委君其後胡用戰功顯而君以他人事註吏議
文節同巡撫再疏復君官權貴西道時滇之東川回部
為變君出私財募士會勦馳赴行營陳密計大師用其
策平東川事聞晉道銜苗疆攷滿再加道銜又以卓異
薦進爵一級咸豐四年八月遵義楊鳳倡亂其黨應之
安南普安間連陷數縣時興義兵調發略盡君部勦士
民以守賊大至率寮屬分控各門而自以身嬰其衝趣
家人登樓屠薪日城陷即自燔賊馮高舉礮屋瓦盡振

君登北樓坐胡牀指麾礮石及於身一人在坐後引佩
刀色戰左右大駭斬之而君凝然不移一步伺賊間輒
出死士斫其營賊又張偽牒免租以誘民君稔知脇從
之多良慮也飛書建脇勿論殺賊自歸有功又揭示鄉
團云能助戰者蠲本年租於是新城彭永興諸渠率斬
其王涂令恒降而為賊誕者聞是令皆解相持十餘日
援軍稍集然畏憚不戰君自將三百人出次普平團練
衆至三萬一戰破賊禽其魁冉東中李應龍李林春誅
之凡十二日竟內悉平 奏上以道用 予花翎明年
鳳略安順以團練三千人往擊走之而過之使不得入
粵邊鳳既誅君不自為功且引疾會苗變請命破鳳勝
兵擊之大府不聽既而都勻圍急龍里貴定賊復蔓始

悔欲倚君代他將而君病甚紳民絡繹固請江西富商
宣言若君督師當輸家財之半助軍君乃奮髯與台司
約兵五千募軍如之餼十萬誅賞進退唯我或白卒少
無見糧君方病且問官無權變約奈何軍不為動當是
時龍里貴定賊可二十萬諸路兵未集而君以新募五
千人議合他兵三道俱進一軍軍龍貴間一軍扼舊縣
一軍自貴定東出賊背都勻圍當解將發台司不如前
議又旦夕趣戰君行及雷打橋用火箭射殺一首逐北
十里許有粟木頂九地最險從孫桐攻之不利怒予契
箭一日明辰不能攻下粟木頂九母見我桐引數十騎
先登我衆畢登抵貴定賊傾巢出衆數萬壓壘而前君
開壁門縱六百人為奇兵出不意擊走之偵者云賊將

趨省而巡撫急檄君還民間君至龍里貴定平越甕安諸圍畢集分路出鐵廠堡順德關四面蹙之且下令滅兩縣賊復百姓今年租如興義約衆益驩君時權貴東道又遣吏持游劄數十徇鎮遠以南君既屢破賊省會遂解嚴獨數請進軍而君權輕三省兵會者實驕蹇不為用饗又不時給君憂憤盡貫衣物慰勞所部其在軍卑栖確食令又明簡久之得請乃進軍鈔茶山湘子洞遂克甕朗虜其巨酋王登元楊重妹鄉兵力為多然惟君能用之方解都勻圍而制府曰君若可撤還巡撫意不平未有以奪兩縣民奔訴強留君而君病不起矣興歸浹旬卒是為咸豐六年七月某日春秋六十有四自君歿鄉圍寢解都勻古州等處旋陷吏民益思之君偉軀廣穎言論風發其在軍嚴明於賞罰大小百餘戰暇時興愛士每教子必曰貧吾家風汝當力學樹功名著有興義府志詩文集若干卷配劉恭人蔣恭人再配朱恭人為琦族叔四川候補知府紹恩女其母又與琦前母王為女兄弟子六人之漉之清之淵著聲庠序之洞舉順天鄉試第一之澄早孺之涌幼女八將葬之洞來乞銘琦以姍亞夙知君銘曰畿南鉅族及城張世載厥德譽問章君躋而奮黔之陽蒞官以明才則剛萬死不折懾敵廠披其雨風磔梟狼忠規嶽嶽留慶長請攷於石銘其光

黃得焯墓誌銘

鍾儀傑

公姓黃氏諱得焯字中孚別號素庵先世山左之即墨

人明永樂中八世祖京遷於南皮曾祖孔曜公為邑庠
生祖諱正邦號繼軒父諱家棟字衛宸領明崇禎庚午
鄉薦德行文望為一邑之冠有文天子二公其長也張
太宜人出繼母姪太宜人撫養之出就外傳天資穎異
讀書過目成誦晨昏趨庭衛宸公教以義方聰聽無違
辛卯遊庠甲午舉於鄉甲辰成進士壬子選期已近因
父病不欲投供強之始一行癸丑七月父病篤易簣之
時執公手曰自病以來汝侍湯藥不解衣帶者數閱月
移孝作忠他日必為循吏至治所務以慈心愛民為本
吾家門祚單寒又當敦親睦族語畢遂絕公哀號幾不
欲生喪葬一一如禮丙辰冬選授瀾之於潛以制臺題
留有人遂扣缺丁巳改補鄒邑抵任後迎兩太宜人於

署仍以父不逮養為慟鄒地當孔道且值軍興悉索敝
賦無之日無之時連歲凶荒民窮財殫每有徭役不忍從事賦
朴往往詳求豁免戊午春運送巨礮急需飛車五百輛
每輛只載其一公向解官極言鄒民困憊狀遂許一車
兩礮並糧而往差不誤民亦不病先是江右同知某因
解餉過鄒挾詐前任報失衣物批迴盜案未結公應接
緝因白撫憲將移咨本任查照渠聞之丐免罪戾而去
鄒之捕役敬家無累也至一應詞訟即為判決案無留
牘興學校禮聖齋攝滕篆者三月甫受事有前派協夫
三千名押赴韓莊聞公不以為利馳訴上官蠲豁又攝
滋陽近一載辦差之後舊例追掣補庫公語經承曰此
陋規耳除之每御馮大兵過派有應用器物不以為

長供旋賣旋派公則一一付里老責掌管供應一次者
足支數年書役王化祥為舊官補庫事有應追入官銀
若干貧無以償止有將產之妾欲鬻之公憫其年老無
子代為出資令保聚焉庚申遷粵東化州刺史以驛遞
錢糧裁減因公挪動庫銀留鄒抵補三年始旋里餞送
者絡繹於道臨歧依依辛未復遊舊治三邑人士競來
款謁綢繆連旬王化祥攜子詣寓曰此兒乃在妾腹者
今能行立矣拜公之賜感泣不已生平好行惠濟族黨
中之饑者炊婚者米死以槥而讀以燈火者悉仰給於
公為人抗爽公直面斥人過於人無宿怨親友之事務
為平息邑里公舉獨先負荷晚年坎坷所處多逆境遂
成疾不起方抱恙時已為兩太宜人卜葬未及期遽以
修文奪去也銘曰公孝且友無忝所生言爽而亮行樸
而誠仕茂龔黃之績鄉高月旦之評嗚呼此吾年友之
實錄也而余因之以為銘

白汝霖自撰墓誌銘

既霑白氏名汝霖號益菴別號晚香居士南皮崇仁里
人上世仕而未顯年十六隨父丙午舉人署學博任於
永平之灤州灤佳山水美魚米酒風遊興不減南土以
故庠中士稍近風雅者常招攜遊賞二十一歲補博士
弟子其間弟妹之嫁娶親友之婚喪以及田宅之經營
考試之趨赴去家八百里奔走道路歲常一二而以其
間讀書篝燈夜半苦雨淒風時有會心面壁功疎理能
入而光未出屢見賞於學便而受敵於棘闈奄忽三十

遂入苦海父倦遊思歸奉以請告三年而後得之歸復
受知於邑宰沈敏齋先生詩文翰墨委昇無虛日親友
不諒紙絹堆積案頭數十卷又以貧故授徒十餘人博
修脯以資甘旨內以事親外以應物精敏神疲雖書卷
未離而文字之英華益減矣父憐之移居東鄉之蘆莊
圖避喧囂豈意未踰年而仲弟云亡家禍橫生殃及嚴
父分析凋零營葬後奉母授書於鄰邑七年三遷至洎
鎮慈惟見背合葬禮成以年例揆貢出學遂棄舉子業
後聞孫合河夫子興理學於國子遂負笈聽講所見多
不合踰月復歸掃地焚香蔣花種竹以自怡悅尤愛菊
聚數十種拔其尤者手植之以自比擬因為晚香傳晚
香說以見意焉繼讀宋儒李延平集云四書六經聖賢

本以傳心而後人止以文字求之說其詞義以資講直
玩物喪志耳乃悟至理原在無字處也於是歷取先儒
語錄讀之時加體認大悔從前六十餘年盡以虛擲之
也惜年老心力衰薄知不能守時得時失然得失之間
雖踐履未純而微覺有著腳處流露於詩文翰墨亦漸
近裏著實視少時之風華靡麗中無有者常相倍蓰焉
而所造未深無自得之可恃是以不敢求當代大人先
生虛詞過美以譽片土爰自為誌以便後人知吾真也
銘曰咄咄兮晚香親實生之賢七尺以顯揚兮而以酬
接廢之惡乎臧天實生之寄斯道之分量兮而以文詞
沒之惡乎良悔問途之不早欲迫收於榆桑兮而今老
且病也如此惡乎康吁嗟乎兩大事無一就兮而夢夢

然而冥冥然胡以上無負乎天地之生兮下無負乎父母之望

黃鉅墓誌銘

張受長

公黃氏其先山左即墨縣人明永樂初始祖京遷南皮三傳至玉為邑庠玉生孔曜孔曜生正邦邑壽官著行孝友載邑誌生家棟明庚午孝廉月旦評高遭世亂眾推舉權知縣事保障一邑厚德詳儒林傳中家棟生得煬康熙甲辰進士仕山左鄒縣令有惠政陞化州牧丈夫子四長且若公諱坦恩貢生是為公父生子二公其仲也諱鉅字大任神清骨秀兩目炯然靜默寡言笑七歲入小學日誦千言輒通大義家故饒因貽鄒邑公項產沒入官清修自勵不言而躬行奉兩親能養志室無

儻石之儲樂融融也世故無所營刻意向學為文高潔逼荆川力厚思沈兼似思泉詩多晉人風味時效唐應制體亦清麗有遠神弱冠蜚聲黌序邑侯沈敏齋公觀風首拔之語且若公曰君有子矣簡練揣摩發無不中鵠者康熙戊子登鄉薦考官陳公書擬元主試改置第九次年父母相繼歿疊覲凶閭哀毀骨立癸巳禮闈獲雋出大學士無錫稽公之門稱_文公如龍門之桐百尺高老無枝亦深重公雅範清德時進士例皆觀政吏部隻身留都門性潔峻落落寡合每自吟閱人多矣鶴為伴愛我深哉酒是鄉漢軍王公獨物色公延至家下榻禮之如弟兄供張殷勤十餘年不衰雍正元年除知陝西安定縣守其素操政尚嚴明吏役莫敢舞弊盜賊斂

迹安故衝繫東達京師西通甘涼郵傳日夜絡繹不停
民多派累草陋規三千餘金刊榜列款署前永行禁止
安人感悅有猛以濟寬昔僑今公懸魚塵甑之頌邑有
倒洄溝險絕難渡人久患苦之捐金建橋梁往來稱便
衆號曰黃公橋設義塾聚邑子弟其中公餘親課諸生
業暇則與習射邑之士風彬彬日上同官程元楫辦軍
需虧公帑參草變產賠補欠四百金不能完將治罪公
憐之倡僚友捐金代補其欠又自出百金送之回籍邑
侯吳公翰齋為陝西司馬離任留滯不得歸亦借五百
金助之五年上遊知公賢奏委出玉門關建沙州城徵
外險遠地近大漠乏人煙時征策虜築城以據要害衆
多難其行公單騎赴之間關千里行無轍迹沿途植木

政

為記識風餐露宿艱苦備嘗至則親操畚鍤率勵卒徒
六年如期竣工 上嘉公績晉一級返至回回堡日暮
雲暗煙霧四起哭聲啾啾有舊鬼煩冤新鬼哭之慘從
者莫敢前公設牲醴為文祭之雲霧頓開哭聲亦息自
此行人皆無虞疊委赴甘涼肅州兼理糧運驛頭迎送
駐防師旅奔馳道路無甯晷而本邑政務未嘗稍廢弛
九年五月朔病發九日猶力疾理事翌日不能起十三
日囑家人曰吾勤王事卒官署幸矣三子聰慧無誤讀
書言訖日瞑安人聞之士哭於學商哭於市農哭於野
赴署奠誄者日以百計鄰邑咸來流涕獻祭焉既卒三
日推陞雲南尋甸州牧銘曰台山毓秀公發其祥潔修
玉映清芬蘭芳驤首雲衢親顯名揚繼祖之緒績茂龔

黃鞠躬盡瘁即星隕光安定謳思公之桐鄉魂兮歸來
佳城永藏燕翼孫子俾熾爾昌

張鏞墓誌銘

劉有銘

公諱鏞字振之號振齋先世自山西遷鄆由鄆遷南皮
至公四世祖淮明武宗朝官御史多所建白官至河南
按察使崇祀鄉賢始大其宗代有聞人曾祖諱丕繼祖
諱遊易官雲南大理府趙州知州有子五人公父贈公
其季也諱餘邑廩生公伯父履平公余外王父也查園
公官兵馬司指揮皆以公貴屢贈如公官公夙秉聰穎
嗜讀書翰墨典籍外無他玩好少即有聲庠序間登嘉
慶戊寅科賢書春闈屢不第旋丁內外艱服闋以教習
報滿選授西甯縣教諭公曰天特玉成吾以學乎乃益

發憤卒提道光乙未會試改庶吉士散館授職編修詞
賦筆札為時推重洊陞國子監司業司經局洗馬翰林
院侍讀侍講充日講官公在堂日於後進多獎借汲
汲常若不及愛人以德律己以嚴憶余自作秀才時為
公所期許乃連黜於有司甲辰試京兆謁公進而教之
日甥之蹭蹬何至於此然窮而益堅儒者志也文章自
有價勉之諄諄以學為誨無一語及私是科公分校余
亦幸獲焉嗣余供館職以迂拙不合時宜為懼請於公
公曰本色最佳仕宦脂韋徒滋醜耳余誌之奉以周旋
兩充順天鄉試同考官一任湖南學政俱稱得人當督
楚學時務以正人心風俗為先岳郡豪右有以賄舉孝
義請旌得祀者廉其情排衆議褫之毀綽楔於門士氣

以仲按試彬州適奸紳攻訐籍貫勢洶洶欲罷試公不
動聲色而寢其事至今楚人士嘖嘖稱之尋遷太常寺
少卿講習典禮一切鉅制詳論參稽歲辛亥

皇上龍飛元年 廷議

宣宗成皇帝配 郊大禮久未定時以少卿未得與乃竊言於
同列曰此事固未容以無據妄議顧吾執事太常有年
矣稔知

列聖配饗位次右穆尚虛豈非天為我

宣宗早設不祧之定位乎及降 諭旨果如公說二年授奉天
府府丞兼學政下輿即有恭送

列聖尊謚冊寶典禮故事守土吏率民夫除道路設 行殿州
縣或以此累民公深悉其弊且知

宣宗實錄告成將復齋送若稍緩可並二役為一藉紓民力因

專疏上請星夜遣使入都未達而暫停之

命下先是復州醴金建書院資為吏目某所蝕反誣繫
學校多人奏按之追其金卒成書院之舉又疏言各省
團練有名無實乞下所司課其認真與否以為殿最務
責成效得 旨允行任滿覆

命再補太常寺少卿旋請假修墓竟以微疾終於家銘
曰德行堂堂邢子昂也難經仇仇劉太常也鼎鉉未登
何封之煌煌也八百孤寒霜馬長也甫向強臺而展步
兮遽山斗之潛光也佳城鬱鬱神來藏也西州茫茫吾
安仰也

墓銘

漢

雋不疑墓銘

李正華並立石

卓彼雋公琅琅國器才濟時艱學深古義暴戢其規霍
欽其智明哲保身庶幾無愧維我東郊是日巽位元宮
峩峩君子攸暨北邙之墳有稷之穗瞻此豐碑幽爽如
寄玉耶珠耶山輝澤媚不朽者名昭茲來禳

唐

賈耽墓銘

中書侍郎權德輿

麟之儀儀鳳之師師有倬魏公發揮清時外總方國掃
除螟螣入居公台左右皇極於學無不通於志無不容
穆如禰風叩若華鐘偉材宏議信以發志中行循性其
道易易始於清明紀號永貞維陽之朔日兮返智氣於
冥冥下旬逮半兮祖載於庭神歸古原兮闕此音形前
直國門兮旁通梁傅不忘本兮公之素笳簫啟路歸此
壤樹嗚呼有唐元老兮魏公之墓

明

徐廷錫墓銘

大學士李時

孰非窮經致用或執君剛且明於人實惠孰不貴富出
處或昧君讓而廉勇於義退君之行能孰得其最劉此
貞石我詞無愧

張淮墓銘

都御史張璠

持重而方自遂而強率厥性也伏柩止焚抗言畜君彰
厥行也刑獄維公簡牘罔通施於政也官止臬司年未
耄期格於命也子克其家蘭茁其芽宗之慶也城隅有

墳掩此誌文名之令也

湯賓墓銘

蕭良友

矯矯世族江之村中遷畿輔高其門水出岷兮玉產崑
篤生中丞粟以溫內外剔歷名斯尊吳天楚澤皆銜恩
徒步公卿安足論口碑官蹟終乾坤壘壘者邱誰則魂
少年袍笏歸其根蔭垂奕世繫湯孫千秋不朽斯銘存

鄭金墓銘

吏部侍郎諸大綬

舉君維余銘君亦余千載而下人其信余

劉顯道墓銘

太僕寺卿莊蒞民

猗歟劉氏代有聞人家世耕讀門閥璘珣公承厥後先
業益振蚤薦鹿鳴為國之珍筮仕儀部夙夜惟寅繼遷
郡縣政事惟醅載輔於王啟沃循循克慎克淑直道是

遵帝曰俞哉邦之純臣特進階秩天寵輝煌錫賚孔殷
世德孔張簡任方隆勇退不惶高風磊落林壑徜徉爰
及後昆玉樹蘭香繩繩繼繼俾臧俾昌則篤其慶長發
其祥清芬遠流元堂永光千秋弗磨太僕之章

侯楹墓銘

刑部侍郎孟兆祥

皎然明者而之修閔然幽者而之邱憶余既序而於明
而復誌而於幽匪阿所好惟實是求謂余不信質之千
秋

國朝

湯鉉墓銘

山東巡撫翰林秘書院學士

劉芳躅

公先自楚遷瀛洲四世而顯昭孫謀仕為循吏治斯優
其退不卑進不練令終有後復何求林有松柏壤有邱

銘以藏之昭諸幽

柴克振墓銘

宮夢仁

卓哉柴公奕葉崢嶸自齊而燕代有簪纓追琢金玉如
圭如璋課士牧民頌說不忘克昌厥後蘭桂森森鄉評
月旦式播德音壽躋耄耄品詣乃全勒茲貞珉億萬斯
年

黃家棟墓銘

莊憲祖

其質也貞堅其腹也便便學可通顯而閔之林泉壽可
期頤而享裁逾古稀之三年堂封馬鬣泰岳華巔是為
有道先生之阡

柴堪棟墓銘

劉址

於厥柴公大醜無疵文章闡古鑿鑿齒齒有峰而岌有

霏

水而駛以巖為局以雲為時朝煙夕霖紆青委紫聿增
修之屬後來士於厥柴公克具衆美周聃之學洞究元
旨獨立羽化匪忽焉死光華昌居天漢之涘薦溪之毛
毛挹齊之醴公恒賁斯以陟降只

吳惟己墓銘

劉慶藻

木心居士五果仙才生未享榮沒有餘哀副墨翩翩洛
誦枚枚雲封馬鬣水積風培一函蟬蛻鳳詒頓來

吳維哲墓銘

翰林院侍
講學士 李呈祥

清白宰豪傑士談衝喉笑見齒豫汝陽秦之禮政可述
思未已書幾篋詩數紙宅高原貽孫子

湯裔振墓銘

石潤廣

湯氏之先代有令德系自楚黃始遷於北奕世勤修業

用以殞至公高祖遂顯於國科甲蜚英績勒在敕碩弗
究施匪天爾嗇厥配孺人內行罔忒城東之原雙壁斯
域目其暝兮日維燕翼後百千年於昭茲刻

侯堪墓銘

藍潤

陸時可洋滄時可桑世變何常令聞聿彰邱原隆隆望
之光虹安斯永斯厥祥允鍾

侯幼鉉墓銘

劉大謀

哲人之生天豈偶然實為光世積慶庶延少推才品壯
著宏猷歷任三郡咸稱仕優績重棠蔭望重龔黃位將
內召為國棟梁彼蒼何意摧折太速樓成鶴化事知有
無易毀者身不朽者名勒銘於石千秋永存

張勵齋墓銘

李殿圖

早歲而摩雲者其文也壯年而製錦者如神也無裨政
德故洽乎民也有任郵閭黨被其仁也懍剛毅夙以律
夫身也急歸田蓋始終孝乎親也享長年行子孫元堂
永闕而仰止常新於戲卓絕哉斯人也

張受長墓銘

尹會一

嶽嶽太公古之剛乾性健兮坤德方以道為糾體陰陽
性之誠兮在三綱義之直兮在五常訓子秉憲萬民望
闕幽宮兮永歸藏引星辰兮天上張後之君子仰輝光
銘贊附

國朝

劉貞女井碑銘

李錫玠

劉氏有女誰造口舌祖母相依誰為挫折雀角鼠牙而

欲磨涅一言之汙亦所不屑白茅包束難勝冰雪投井
明志水同其潔垂諸史冊表以綽楔惟劉氏女落落大
節

題韻亭張公遺像贊

獻縣 紀 昉 曉嵐

端坐凝然古心古貌敦厚慈祥形神宛肖我忝葭莩未
親色笑肅對丹青幸瞻遺照公子雲仍傳公庾詰懸在
几筵如公身教